

Auf der schwäb'sche Eisenbahne

♩ = 180

Auf der schwäbsche Eisenbahne / gibt es viele Haltstatione
Stuegert, Ulm und Biberach / Meckbeure, Durlesbach

Refrain:

Trulla, trulla, trullala, / Trulla, trulla, trullala,
Stuegert, Ulm und Biberach, / Meckbeure, Durlesbach

Auf der schwäbsche Eisenbahne / wollt amol a Bäuerle fahre
geht zum Schalter, lupft de Huat: / a Bilette, seids so guat

Refrain

Eine Geiß hat er sich kaufet, und dass sie ihm net entlaufet,
bindet sie de gute Ma hinte an de Wage na.

Refrain

"Böckle, tu nur woidle springe, 's Futter werd i dir scho bringe."
Setzt sich zu seinm Weible na und brennts Tubakspfeifle a.

Refrain

Auf de nächste Statione, wo er will sein Böckle hole,
findt er nur noch Kopf und Soil an dem hintre Wagetoil.

Refrain

Do kriegt er en große Zorne, nimmt den Kopf an beide Horne,
schmeißt en, was er schmeiße ka, dem Kunduktör an Ranzen na.

Refrain

"So, du kannst den Schade zahle, warum bischt so schnell gefahre!
Du allein bischt Schuld dara, dass i d' Gois verlore ha!"

Refrain